

DS  
735  
A2Y86  
1771a  
V. 20

University of Toronto

Library

e 400/h

ASIAN COLLECTION



御批歷代通鑑輯覽卷之三十九

南北朝

丁宋泰始三年。春。宋青冀州平。

初尋陽既平。宋主遣沈文秀之弟文炳。詔書喻文秀

又遣將軍劉懷珍。字道玉。平原人。將三千人。與之偕行。未至。值

張永等敗退。先是散騎侍郎明僧暲起兵攻沈文秀。以應建康。至是。文秀攻僧暲。僧暲走保東萊。

平原。明僧暲人。衆情洶懼。欲且保郁洲。懷珍不可。遂進至黔

陬。漢縣。隋省。故城在今萊州府膠州。會文秀所置高密。注見前。平昌。晉郡。今青

州府安邱縣是。二郡太守棄城走。唯長廣。注見前。太守劉桃根守

不其城。注見前。懷珍遣百騎拔之。文秀聞諸城皆敗。乃遣

使請降。宋主復以爲青州刺史。時崔道固已先請降。宋主亦復其位。



小攻之引日。勝之不益軍勢。不勝足挫軍威。彼見無鹽之破。不敢不懼。若飛書喻之。不降即散矣。白曜從之。肥

城果潰。白曜謂範曰。此行得卿。三齊不足定也。遂取麋

溝垣苗二戍。

一句中拔四城。威震齊上。

升城不下。白曜築長圍攻之。

三月乃克。白曜欲盡坑之。參軍韓麒麟

昌黎人。

諫曰。如此

則自此以東諸城皆人自為守。不可攻矣。白曜乃止。

崇吉

脫身走。其母及申纂妻與魏齊州刺史盧度世有中表親。然已疎遠。及為魏所擄。度世奉事甚恭。贍給優厚。已而崇吉及張讜主整桓忻等俱降于魏。魏遂拔歷城。崔道固出降。劉休賓亦降。盧度世字子遷。元之子。

秋八月。宋遣中領軍沈攸之擊彭城。將軍蕭道成鎮淮陰。

宋主復遣沈攸之等擊彭城。攸之以清泗方涸。固執以

為不可。宋主怒。彊遣之。而使行徐州事。蕭道成鎮淮陰。

道成收養豪俊賓客始盛

魏之入彭城也垣崇祖將部曲奔據朐山道成以為戌主

垣崇祖亦自彭城奔朐山依于道成劉僧副以二千人避魏居海島道成亦召而撫之

朐山注見前垣崇祖

字敬遠一字僧寶護之弟子榮祖崇祖從父兄劉僧副懷珍族弟

魏人拒擊宋師走之遂取下邳

魏尉元表言彭城宋之要藩而宋向彭城必由清泗過

宿豫歷下邳趨青州亦由下邳沂水經東安

漢縣晉為郡後廢故

城在今沂州府沂水縣

此皆要地宜先平之會沈攸之將兵北出

尉元遣兵拒攸之又以攸之前敗所喪士卒瘞墮膝行

者還之以沮其氣宋主尋悔遣攸之等復召使還不及

攸之至濰清口

濰水入泗之口

魏人擊之攸之大敗退屯淮陰

委棄資械以萬計先是攸之使王元載

字彥休元載從弟

守下

邳。宿豫。淮陽。諸城。皆以將戍之。及是。攸之旣敗。尉元以書喻元載。元載棄下邳走。宿豫。淮陽。諸戍將亦皆棄城奔潰。魏以辛紹先爲下邳太守。紹先不尚苛察。務舉大綱。教民治生。禦寇而已。由是下邳安之。辛紹先隴西狄道人。

### 魏主始親政事。

魏主李夫人

中山安喜人。惠之女。

生子宏。

卽孝文帝。

馮太后自撫養之。

乃還政于魏主。魏主始親國事。勤于爲治。賞罰嚴明。拔清節。黜貪污。于是魏之牧守。始有以廉潔著聞者。

冬十月。宋以金贖義陽王昶于魏。

昶奔魏。事見前。

宋主遣使以金千兩贖義陽王昶于魏。魏人不許。

魏使昶與

宋主書。爲兄弟之儀。宋主責其不稱臣。不答。魏主復使昶作書與宋主。昶曰。臣本或兄。未經爲臣。若收前書。是

爲二敬。苟或不改。彼所不納。臣不敢奉詔。乃止。魏人愛重視。凡三尚公主。

戊申。宋泰始四年。春正月。魏侵宋。宋豫州刺史劉劭擊却之。斬其將闕于拔。

魏侵宋武津。宋縣。齊廢。故城在今汝寧府上蔡縣。宋劉劭擊破之。斬其將

于都公闕于拔。魏復寇義陽。劭擊却之。已而劭又敗魏

兵于許昌。

淮西民賈元友上書。陳伐魏取陳蔡之策。宋主以其書示劭。劭上言。元友所陳。率多誇誕。

言之甚易。行之甚難。臣竊見元嘉以來。倉荒遠人。多干國議。負擔歸闕。皆勸討虜。從來信納。皆貽後悔。境上之人。唯視彊弱。王師至彼。必壺漿候塗。裁見軍退。便抄截蜂起。此前後所見。明驗非一也。宋主乃止。

夏四月。宋減民田租之半。

魏以李惠爲征南大將軍。馮熙

字晉昌。朗之子。爲太傅。

惠。李夫人之父。熙。馮太后之兄也。

宋高祖世類波動以閹閹  
相高已失明歟之義甚至  
雜用寒門隸廝競進受賄  
擅權是又救火抱薪愈趨  
愈下而已

文秀始降宋既請降魏視  
顏受下大夫之職乃以持  
節坐齋去衣不拜號稱不  
屈實蘇武臧洪之罪人豈  
可以欺世

冬十月癸酉朔日食

十二月宋以阮佃夫為游擊將軍

先是中書侍郎舍人皆用名流為之太祖始用寒士世

祖猶雜用士庶而巢戴尚之遂用事及是宋主盡用左

右細人佃夫及中書舍人王道隆吳興烏程人散騎侍郎楊

運長宣城懷安人並參預政事權亞人主巢戴所不及也佃

夫尤恣橫納貨賂作威福朝士貴賤莫不自結僕隸

皆不次除官捉車人至中郎將馬士至員外郎

已宋泰始五年春正月魏拔宋青州執其刺史沈文秀

先是魏長孫陵攻沈文秀于東陽文秀請降魏兵入城

暴掠文秀悔怒閉城拒守魏人圍之三年外無救援士

陽文秀解戎服。正衣冠。持節坐齋內。魏兵交至。問文秀何在。文秀厲聲曰。身是也。遂執之。去其衣。縛送慕容白曜。使之拜。文秀曰。各兩國大臣。何拜之有。白曜還其衣。爲之設饌。鎖送平城。魏主數其罪而宥之。待爲下客。給惡衣疏食。旣而重其不屈。稍嘉禮之。拜外都下大夫。于是青冀之地。盡入于魏矣。

二月。魏以慕容白曜爲青州刺史。

都督青齊東徐

魏得宋冀州。改曰齊州。又置東徐州。

三州諸軍事。白曜撫

御有方。東人安之。

已而魏主以白曜前附乙渾。追以爲憾。誅之。

魏立三等輸租法。除其雜調。

魏自天安以來。比歲旱饑。重以青州用兵。出東之民。疲

立郡以從降民當撫綏而安之乃設僧祇佛圖諸戶名目既用滋弊復耗民力非招徠新附之道

宋明與禪同遭子業虐辱正當引以為戒乃以狂童惡謔借徒封名地相嘲致禪怨對獲罪匪惟不恕亦不仁矣

于賦役。魏主命因民貧富。分為三等輸租之法。等為三品。上三品輸平城。中輸他州。下輸本州。舊制常賦之外。有雜調十五。至是罷之。民稍贍給。時魏徙青齊民于平居之。沙門統曇曜奏。平齊戶及諸民有能歲輸穀六十斛入僧曹者。即為僧祇戶。粟為僧祇粟。遇凶歲賑給饑民。又請民犯重罪及官奴。以為佛圖戶。以供諸寺灑掃。並許之。于是僧祇寺戶。徧于州鎮矣。桑乾。魏郡。隋廢為鎮。在今大同府山陰縣。平齊廢郡。在今大同府大同縣。沙門統。胡三省注。猶今之僧錄。

夏六月。魏立子宏為太子。

宋主殺其兄廬江王禕。

禕。宋主兄。而宋主輕之。以廢帝謂之驢王。因徙封廬江。禕銜之。會河東柳欣慰等謀反。欲立禕。禕與通謀。事覺。欣慰等伏誅。禕降車騎將軍。出鎮宣城。遣兵防衛。已而

宋主令有司奏禱。忿懟有怨言。詔免官爵。遣使逼令自殺。

冬十月丁卯朔日食。

十一月魏遣使如宋修好。

自是信使歲通。

十二月宋以桂陽王休範

文帝第十八子

爲揚州刺史。

宋司徒揚州刺史建安王休仁與宋主素相友愛。景和之世。宋主賴其力以脫禍。及泰始初。四方兵起。休仁親當矢石。克成大功。任總百揆。親寄甚隆。由是朝野輻湊。宋主漸不悅。休仁悟其旨。表解揚州。宋主以休範代之。

庚戌

宋泰始六年

春正月宋定南郊明堂歲祀

戊戌

魏皇興四年

間二年一祭南郊。間一年一祭明堂。

夏六月。宋以王景文爲尚書左僕射。揚州刺史。

景文。王皇后之兄也。

宋主宮中大宴。裸婦人而觀之。王皇后以扇障面。宋主怒曰。外舍寒。

乞。今共爲樂。何獨不視。后曰。爲樂之事。其方自多。豈有

姑姊妹集。而以此爲笑乎。外舍之樂。雅異于此。宋主大

怒。遣后起。景文聞之曰。后在家劣弱。今段遂能剛正如此。

宋以南兖州刺史蕭道成爲黃門侍郎。尋遣鎮淮陰。

道成在軍中久。民間或言道成有異相。

道成姿表奇異。龍顏鐘聲。鱗文

遍體。宋主疑之。徵爲黃門侍郎。道成懼。不欲內遷。而無計

得留。參軍荀伯玉。

字弄璋。廣陵人。

勸道成遣數十騎入魏境。安

置標榜。魏果遣遊騎行境上。道成以聞。宋主乃使道成

遷鎮淮陰。

道成先鎮淮陰。後爲南兖州。鎮廣陵。至是復還鎮淮陰。

儒元文史自元嘉中始立  
四學已為不經至是更設  
總明觀領以祭酒事雜言  
歷尚足興教化乎

宋立總明觀。

置祭酒一人。儒元文史學士各十人。

柔然侵魏。魏主自將擊敗之。

柔然侵魏。魏主引羣臣議之。僕射南平公曰。辰

桓帝之後。曰。

車駕親征。京師危懼。不如持重固守。虜懸軍深入。糧運

不繼。不久自退。遣將追擊。破之必矣。給事中張白澤

孫字鐘葵。魏王賜名白澤。曰。蠢爾荒愚。輕犯王略。若鑾輿親行。必望

麾奔散。豈可坐而縱敵。以萬乘之尊。嬰城自守。非所以

威服四夷也。魏主從之。分道出擊。柔然大敗。乘勝逐北。

降斬數萬。所獲不可勝計。

時魏百官不給祿。少能以廉白自立者。魏主詔吏受所監

臨羊一口酒。斛者死。與者從坐。有能糾告者。即以所告之官授之。白澤諫曰。昔周之下士。尚有代耕之祿。今

皇朝貴臣服勤無報。若使受禮者刑身。糾之者代職。臣恐姦人闕望。忠臣懈節。求事簡而民安。不可得也。請依律令舊法。仍功祿以酬廉吏。魏主乃罷新法。

辛宋泰始七年。魏高祖春二月。宋主殺其弟晉平王休祐。

亥孝文帝宏延興元年。

以巴陵王休若文帝第十九子。

為南徐州刺史。

宋主寢疾。以太子幼弱。深忌諸弟。晉平王休祐剛狠數

忤旨。宋主積不能平。因其從出射雉。陰遣壽寂之等拉

殺之。陽言落馬。贈葬如禮。民間訛言。荆州刺史巴陵王

休若有貴相。宋主因召為南徐州刺史。

休若將佐皆謂還朝必不免禍。

參軍京兆王敬先曰。荆州帶甲十萬。地方數千里。上可以匡天子除姦臣。下可以保境土全一身。孰與賜劍邸第。使臣妾飲泣而不敢葬乎。休若以白宋主而誅之。

夏五月。宋主殺其弟建安王休仁。

既與休仁相款洽且云諒其勲誠何事計交切之有徒以猜嫌戕賊罔恤倫理耳事後流涕其將誰欺

晉平王既死。休仁益不自安。宋主亦病。與楊運長等爲身後之計。運長等亦慮宋主晏駕後。休仁秉政。已不得專權。彌贊成之。於是召休仁入宿尚書下省。遣人齎藥賜死。休仁罵曰。上得天下。誰之力邪。孝武以誅鋤兄弟。子孫滅絕。今復爲爾。宋祚其得久乎。宋主慮有變。力疾乘輿出端門。休仁死。乃入。下詔稱休仁謀反。懼罪引決。降爲始安縣王。聽其子伯融襲封。宋主與休仁素厚。雖建安年時相鄰。少便款狎。艱難之中。勲誠實重。事計交切。不得不除。痛念之至。不能自己。因流涕不自勝。宋以袁粲爲尚書令。褚淵爲左僕射。

初。宋主在藩。與褚淵相善。既卽位。深委仗之。及寢疾。淵守吳郡。急召入見。宋主流涕曰。吾近危篤。故召卿著黃

壽兒及諸弟而欲綿  
一綫於孤立之幼子天理  
人心不可問矣以致真致  
相尋雖深忌道成而不能  
去足爲自戕本根者炯戒

襪耳。黃襪者。乳母服也。因與淵謀誅休仁。淵以爲不可。  
宋主怒曰。卿癡人不足與計事。淵懼而從命。

秋七月。宋主殺其弟巴陵王休若。以桂陽王休範爲江州  
刺史。

休若至京口。聞建安王死。益懼。宋主以休若和厚。能得  
物情。恐其將來傾奪幼主。欲遣使殺之。慮不奉詔。乃以  
手書召之。使赴七月七日宴。及至。賜死。而以桂陽王休  
範刺江州。休範素凡劣。少知解。不爲諸兄齒。遇宋主嘗  
指謂左右曰。休範人材不及此。以我弟故。生  
便富貴。釋氏願生王家。良有以也。及是。宋  
主諸弟俱盡。惟休範以凡劣不見忌。得全。  
史臣曰。太祖之于義康。以呵訓之微行。成滅親之大禍。  
開端樹隙。垂之後人。太宗因易隙之情。據已行之典。剪  
落洪枝。不待顧慮。旣而幼主孤立。神器傾移。履霜堅冰。其所由來遠矣。

宋以蕭道成爲散騎常侍。

道成被徵。所親以朝廷方行誅戮。勸勿就徵。道成曰。諸卿殊不見事。主上自以太子稚弱。翦除諸弟。何預他人。今惟應速發。不且見疑。且骨肉相殘。自非靈長之祚。禍難將興。方與卿等戮力耳。既至。拜散騎常侍。

八月。魏主弘傳位于太子宏。自稱太上皇帝。

溺黃老浮屠之說。而以大位委之冲齡。卒致鴆弑。垂簾禍不旋踵。豈非自貽伊戚。

魏主聰睿夙成。剛毅有斷。而好黃老浮屠之學。嘗有遺世之心。以京兆王子推景穆帝子。沈雅仁厚。欲禪以位。乃會

公卿大議。皆莫敢言。任城王子雲子推之弟對曰。陛下方隆

太平。臨四海。豈得上違宗廟。下棄兆民。必欲委棄塵務。

則皇太子宜正大統。太尉源賀。尚書陸叡侯之子。皆附子

宏是時方五歲史稱前年  
吮癰當是三四歲事即悲  
泣對問亦非五歲兒所能  
辦不問可知其僞

雲議魏主怒變色。時太子宏生五年矣。魏主以其幼。故  
欲傳位子推。中書令高允曰。臣不敢多言。願陛下上思  
宗廟付託之重。追念周公抱成王之事。魏主乃曰。然則  
立太子。羣公輔之。又曰。陸植直臣也。必能保吾子。以爲  
太保。與源賀持節奉璽綬。傳位于太子宏。宏有至性。前  
年魏主病癰。親吮之。及是悲泣不自勝。魏主問  
其故。對曰。代親之感。內切于心。宏卽位。爲孝  
文帝。羣臣奏  
曰。漢高祖稱皇帝。而尊其父爲太上皇。明不統天下也。  
今皇帝幼冲。萬幾大政。陛下猶宜總之。謹上尊號曰太  
上皇帝。從之。上皇徙居北苑崇光宮。采椽不斲。土階而  
已。又建鹿野浮圖于苑中。與禪僧居之。  
鹿野浮圖。胡三省注。尸迦國波羅奈城東北。有鹿野苑。  
本辟支佛住此。常有野鹿。故名。今魏倣此而建浮圖也。  
冬十月。宋人侵魏。魏擊却之。

宋主命北琅邪蘭陵太守垣崇祖

琅邪蘭陵已沒于魏崇祖遙領二郡未有

其地

也。經略淮北。崇祖自郁洲將數百人入魏境七百里。

據蒙山。

在今沂州府費縣西北。禹貢蒙羽其藝即此。

魏人擊之。崇祖引還。

宋作湘宮寺。

宋主以故第爲湘宮寺。備極壯麗。新安太守巢尚之罷

還。宋主謂曰。卿至湘宮寺未。此是我大功德。散騎侍郎

虞愿

字士恭。餘姚人。

侍側曰。此皆百姓賣兒貼

亦賣也。

婦錢所爲。

佛若有知。當慈悲嗟愍。罪高浮圖。何功德之有。侍坐者

皆失色。宋主怒。使人驅下殿。愿徐去。無異容。

宋主好圍碁甚拙。與

第一品彭城丞王抗對奕。抗每假借之。曰。皇帝飛碁。臣

抗不能斷。宋主不悟。好之愈篤。愿曰。堯以此教丹朱。非

人主所宜好也。宋主雖怒。甚以其舊臣。每優容之。

壬宋泰豫元年。春正月。宋蠻酋桓誕以沔北降魏。

宋大陽

胡三省注。宋置大陽城于蘄陽西北。蘄陽今黃州府蘄州是。

蠻酋桓誕。據沔

北八萬餘落降魏。自云桓元之子。魏以為東荊州刺史。

使起部郎

通典。晉宋有起部。工部也。取虞書百工起哉為義。

韋珍

字靈智。京兆人。與誕

安集新附。區處皆得其所。

珍至桐栢。窮淮源。舊有祠。蠻

自今悉以酒脯代。羣蠻從約。淮源。自胎簪山伏流數十里。湧出三泉。因浚為井。名曰淮井。在桐栢縣西。

二月。宋殺其揚州刺史江安侯王景文。

景文常以盛滿為憂。屢表辭位。宋主不許。及是。宋主疾

篤。慮晏駕之後。皇后臨朝。景文必為宰相。或有異圖。遣

使齎手敕並藥賜死。敕至。景文正與客碁。叩函看已。復

置局下。神色不變。局竟。斂子納奩畢。徐曰。奉敕見賜以

死方以敕示客乃作墨啓致謝飲藥而卒

先是宋主惡屯騎校尉壽

寂之勇健因事殺之既又以豫州都督吳喜多計數得人情恐其不能事幼主召入賜死至是王景文死宋主又夢有人告曰豫章太守劉

惔反既寤遣人就郡殺之

夏四月宋主彧殂太子昱立

是爲後廢帝

宋主疾篤以桂陽王休範爲司空褚淵爲護軍將軍劉

劭爲右僕射與尙書令袁粲荊州刺史蔡興宗郢州刺

史沈攸之並受顧命淵素與蕭道成善薦之詔以爲右

衛將軍共掌機事宋主遂殂

諡曰明皇帝廟號太宗葬高寧陵太宗末年益猜虐

好鬼神多忌諱文書有禍敗凶喪疑似之言應迴避者數千百品有犯必戮改駟字爲駮以其似禍字故也左右忤旨往往剗斲時淮泗用兵府藏空竭百官斷祿而奢費過度每造器用必爲正御副御次副各三十枚嬖佞用事貨賂公行民不堪命

太子昱卽位時方十歲袁粲等秉政承

奢侈之後。務崇節儉。欲救其弊。而阮佃夫等用事。不能禁也。

宋以安成王準

卽順帝

爲揚州刺史。

準實桂陽王休範之子。太宗以爲第三子。

秋七月。宋以沈攸之都督荆襄八州軍事。

宋荊州刺史蔡興宗被徵還都。右將軍王道隆以其彊直。不欲使居上流。改爲中書監。而以沈攸之代之。興宗

固辭不拜。

道隆每詣興宗。躡履到前。不敢就席。良久去。興宗竟不呼坐。未幾。興宗卒。

攸之自

以材略過人。陰蓄異志。擇郢州士馬器仗精者。多以自隨。到官。以討蠻爲名。大發兵力。招聚才勇。重賦斂。以繕甲器。舊應供臺者。皆割留之。舉措專恣。不復承用符敕。

朝廷疑而憚之。

攸之為政刻暴。或鞭撻士大夫。然吏事精明。人不敢欺。盜賊屏息。夜戶不閉。

冬十月。宋以劉秉

字彥節。長沙王道憐之孫。為左僕射。

秉和弱無幹能。以宗室清令。故袁褚引之。

時阮佃夫為給事中。欲用

其所親為郡。袁粲等不從。佃夫稱敕施行。眾不敢執。

癸丑。宋主昱元徽元。春正月。魏詔守令勸農事。除盜賊。

魏詔守令勸課農事。同部之內。貧富相通。家有兩牛。通

借無者。縣令能靜一縣。劫盜者。兼治二縣。即食其祿。能

靜二縣者。兼治三縣。三年遷為郡守。郡守二郡至三郡。

亦如之。三年遷為刺史。

二月。魏以孔乘為崇聖大夫。

乘。孔子二十八代孫也。

有無藉通小民自為計則  
可豈能以令甲繩之至守  
令兼攝郡邑雖有長才亦  
難勝任愉快徒使俗吏遲  
其欺罔耳此與後條令三  
長迭養貧病孤老同一循  
尚虛名無裨實用

秋七月。魏制河南六州賦法。

戶收絹一匹。綿一斤。租三十石。

冬十月。武都王楊僧嗣卒。弟文度立。降魏。

初。楊文德據葭蘆。

城名。蜀漢姜維置。在今階州東南。

爲魏所破。宋太祖

免其官。削爵土。

後太祖伐魏。起文德爲將軍。使擾汧隴。文德攻叛氏不克。劉秀之執送荊州。使

文德從祖兄頭戍葭蘆。

時故氏王楊保宗之子元和在宋。

保宗爲魏所殺。

事具前。

世祖以其爲楊氏正宗。

保宗故氏王元之子。

立之。未幾。元和

棄國奔魏。其從弟僧嗣立。有功于宋。

時蕭惠開遣兵出梁州。應尋陽。僧嗣

斷其道。間使以聞。

太宗遂以爲武都王。至是。僧嗣卒。從弟文度

自立。遣使降魏。

已而文度襲陷魏仇池。魏遣將軍皮歡喜破斬之。以其弟文弘爲武都王。

歡喜。豹子之子。

十二月癸卯朔日食。

甲宋元徽二年。夏五月宋江州刺史桂陽王休範舉兵反。

攻建康。右衛將軍蕭道成擊斬之。

宋桂陽王休範謹澀無才。不為物情所向。自太宗晏駕。

嗣主年在幼冲。休範自謂尊親無二。應入為宰輔。既不

如志。怨憤彌結。典籤許公與新蔡人。為之謀主。令休範折

節下士。由是遠近歸之。收養勇力。繕治器械。朝廷知之。

陰為之備。會夏口關鎮。以其地在尋陽上流。欲使腹心

史行事。變方四歲。恐其過尋陽。為休範所留。使自太洑

徑去。休範聞之大怒。密與公與謀襲建康。帝第五子王奐。字道明。景文兄子。太

洑。即太子洑。在今黃州府黃梅縣南。至是。休範遂舉兵。反尋陽。晝夜取道。太雷戍主馳下告變。朝廷惶駭。蕭道成曰。

王奐如可寄腹心不妨令其獨當一面。西齡稚子有何知識而欲假其名為上游倚重乎。朝臣謀國若此。真可兒戲。

昔上流謀逆。皆因淹緩致敗。休範必懲前失。輕兵急下。乘我無備。今宜頓兵新亭。白下。堅守宮城。東府。石頭。以待賊至。千里孤軍。復無委積。求戰不得。自然无解。我請頓新亭。以當其鋒。破賊必矣。袁粲方以母喪去職。聞難。扶曳入殿。由是內外戒嚴。蕭道成出屯新亭。張永出屯白下。

沈懷明戍石頭。道成治壘未畢。休範前軍已至新林。

浦各

在江寧縣西南

休範捨舟步上。自以大衆攻新亭。道成拒戰。移

時外勢愈盛。衆皆失色。道成曰。賊雖多而亂。尋當破矣。

休範白服乘肩輿登城。以數十人自衛。校尉黃回。

竟陵郡軍

人張敬兒。

南陽冠軍人

謀詐降以取之。乃白于道成。出城放

仗。大呼稱降。休範信之。置于左右。休範方飲醇酒。回目

敬兒。奪休範防身刀。斬其首持還。左右並散。先是休範

自新林。分遣其將杜黑騾。丁文豪等。直趨朱雀門。及是。

休範雖死黑驪等不知

休範之死也。道成遣送首詣臺。送者道遇南軍棄首于水。挺身

得達。唱云已平。而無以為驗。人莫之信。休範將士亦莫之知。

進至朱雀桁王道隆帥

羽林軍在門內聞賊至急召劉劭。劭自石頭來赴戰死

之。

劭欲撤朱雀桁以折南軍之勢。道隆怒曰。賊至。但當急擊。寧可開桁示弱邪。劭不敢言。遂戰死。黑驪

乘勝渡淮。道隆走黑驪追殺之。于是中外大震。白下石

頭之衆皆潰。撫軍長史褚澄

字彥道。淵之弟。

開東府門納賊。賊

擁安成王準據東府。

稱休範教曰。安成王。吾子也。勿得侵。

官省恒擾衆莫

有鬪志。俄而丁文豪之衆知休範已死。稍欲退散。許公

輿詐稱休範在新亭。士民惶惑。詣壘投刺者以千數。道

成皆焚之。登城謂曰。劉休範已就戮。屍在南岡下。我乃

蕭平南。

道成時加平南將軍。

諸軍諦視之。刺皆已焚。勿懼也。即遣

陳顯達

南彭城人

等將兵入衛。袁粲慷慨告語諸將。披甲上

馬。將驅之。顯達等引兵出戰。大破黑驤。文豪皆斬之。餘

黨悉平。

休範之反也。沈攸之謂僚佐曰。桂陽必聲言我與之同。若不顛沛勤王。必增朝野之惑。乃與徐

郢。湘。雍。同討尋陽。殺休範二子而還。

六月。宋以蕭道成為中領軍。

道成與袁粲。褚淵。劉秉。更日入直決事。號為四貴。

魏罷門房之誅。

詔曰。下民兇戾。不顧親戚。一人為惡。殃及闔門。朕為民

父母。深所愍悼。自今非謀反大逆外叛。罪止其身。于是

始罷門房之誅。

魏上皇勤子為治。尤重刑獄。大刑多令覆鞠。或囚繫積年。羣臣頗以為言。上皇

曰。滯獄誠非善治。不猶愈于倉猝而濫乎。夫人幽苦則思善。故智者以囹圄為福堂。朕特苦之。欲其改悔而加

前稱魏主好浮屠黃老有遺世之心傳為上皇矣茲復稱勤於為治尤重刑獄矛盾若是安得為信史

矜恕耳。由是囚繫雖滯。而所刑多得其宜。

秋七月。柔然侵魏。

柔然侵魏。敦煌。尉多侯擊破之。尚書奏。敦煌僻遠。介居

疆寇之間。

謂吐谷渾。柔然。

恐不能自固。請內徙涼州。羣臣集議。

僉以爲然。給事中韓秀

字白武。昌黎人。

獨執不可。

秀曰。敦煌之置。爲日已久。

雖鄰疆寇。而兵人素習。尋常置戍。足以自全。若徙就姑臧。慮人懷異意。或貪留重遷。情不願徙。引寇內侵。深爲國患。且捨遠就近。遙防有闕。是啓戎心。二虜交搆。互相往來。關右荒擾。邊役煩興。不可不慮。

于是遂

從秀議。

冬十一月。宋主冠。

初。宋主在東宮時。喜怒乖節。太宗屢敕陳太妃痛捶之。及卽位。內畏太后太妃。外憚諸大臣。未敢縱逸。自加元

服內外稍無以制。自以李道兒之子，故每微行，自稱李將軍，常著小袴衫，營署巷陌，無不貫穿。或夜宿客店，或晝卧道旁，排突廝養，與之交易，或遭慢辱，悅而受之。

乙宋元徽三年，春三月，宋以張敬兒都督雍梁二州軍事。卯魏延興五年。

敬兒請為雍州，蕭道成以其人位俱輕，不許。敬兒曰：「沈

攸之在荊州，欲何所作？」不出敬兒制之，恐非公之利也。

道成乃以敬兒鎮襄陽。攸之恐敬兒襲已，陰為之備。敬兒既至，奉事攸之，甚至。攸之以

為誠然。敬兒由是得其事迹，皆密白道成。

丙宋元徽四年，夏六月，魏太后馮氏弒其主弘，復稱制。辰魏承明元年。

魏馮太后內行不正，怨于上皇。初，尚書李敷之弟奕得幸于太后，敷故與尚書

李訢相善，訢出為相州刺史，受納貨賂，為人所告。敷隱蔽之。上皇聞之，檻車徵訢，考驗當死。時敷兄弟將見疎

史於魏主宏之事馮后有  
美辭焉不知后之於魏無  
論其行醜穢實弑君之賊  
也宏當有共戴天之仇  
顧乃順志求歡史亦是為  
至孝刺謬甚矣

斥有司以中旨。詔訴告敷等陰事可免。訴意不欲。其壻  
裴攸勸之。訴乃與范擲列敷兄弟事狀三十餘條。有司  
以聞。上皇大怒。誅敷兄弟。訴得減死。未幾復為尚書。太  
后以此怨上皇。李敷字景文。順之子。李訴字元盛。滎  
陽人。至是密行鳩毒。上皇遂殂。謚曰獻文皇帝。廟  
號顯祖。葬金陵。太后大

赦。收元。復臨朝稱制。以馮熙為太師中書監。熙以外戚

固辭。乃除洛州刺史。

太后性聰察。知書計。曉政事。被服儉素。膳修減于故事。什七八。而猜

忍多權數。魏主宏性至孝。能承顏順志。事無大小。皆仰成焉。太后所幸宦者高平王琚。略陽苻承祖等。皆依勢用事。官至僕射。爵為王公。賞賜巨萬。太卜令王獻得幸。超遷尚書秘書令。李冲雖以才進。亦由私寵。又外禮人望。東陽王丕。游明根等。每褒賞獻輩。輒以丕等參之。自以失行。畏人議已。羣下語言稍涉疑忌。輒殺之。寵臣小過。捶笞或至百餘。尋復待之如初。王獻字洛誠。太原晉陽人。李冲字思順。寶之子。東陽王丕。烈帝之元孫。

秋七月。宋南徐州刺史建平王景素

宣簡王宏之子。

起兵京口。不

克而死。

景素孝友清令。好學禮士。由是有美譽。時太祖諸子俱盡。諸孫唯景素爲長。宋主凶狂失德。朝野咸屬意景素。

楊運長、阮佃夫等欲專權勢。不利立長君。陰欲除之。會

有人告景素欲反。

景素腹心多勸舉兵。參軍江淹獨諫之。淹字文通。濟陽考城人。

楊

阮將發兵東討。蕭道成、袁粲以爲不可。景素亦遣世子

詣闕自陳。乃奪景素征北將軍。而楊阮猜忌益甚。景素

亦謀爲自全之計。遣人往來建康。將軍黃回、羽林監垣

祗祖皆陰與通謀。至是祗祖率數百人奔京口。云京師

已潰。勸令速入。景素信之。卽據京口起兵。楊阮遣將軍

黃回、李安民。

蘭陵人。

等討之。蕭道成知回有異志。故使安

民與之偕行。回不得發。遂拔京口。禽景素斬之。黨與皆

伏誅。

丁宋元徽五年。順帝準昇。秋七月。宋中領軍蕭道成弑其

主昱。而立安成王準。是為順帝。自為司空錄尚書事。

宋主昱自京口既平。驕恣尤甚。無日不出。從者並執鉞

門戶晝閉。行人殆絕。鉞椎鑿鋸。不離左右。一日不殺。則

慘然不樂。殿省憂惶。食息不保。阮佃夫等謀因其出。執

而廢之。事覺被誅。太后數訓戒昱。昱欲鳩之。未果。嘗直入領軍府。時盛暑。蕭道

成晝卧裸袒。昱令起立。晝腹為的。引滿將射之。道成斂

板曰。老臣無罪。左右王天恩曰。領軍腹大。是佳射棚。補登

反射也。一箭便死。後無復射。不如以髀箭。髀。蒲交反。射之。

昱乃更以髀箭射中其臍。投弓大笑。道成憂懼。密與袁

粲褚淵謀廢立。粲曰。主上幼年。其過易改。伊霍之事。非

季世所行。縱使功成。亦終無全地。淵默

然。越都校尉王敬則潛自結于道成。道成命敬則陰結  
昱左右楊玉夫。楊萬年。陳奉伯等。使伺機便。至是昱乘  
露車。與左右于臺岡。在臺城東。賭跳。往青園尼寺。晚至新安  
寺。偷狗飲酒。醉還仁壽殿。熟寢。玉夫萬年取千牛刀。刎  
昱首。奉伯袖之。稱敕開門。出與敬則。敬則馳詣領軍府。  
大呼事平。道成戎服乘馬出。敬則等從入殿中。殿中驚  
怖。及聞昱已死。咸稱萬歲。道成以太后令召諸大臣入  
議。道成謂劉秉曰。此使君家事。何以斷之。秉未答。道成  
鬚髯盡張。目光如電。秉曰。尚書衆事。可以見付。軍旅處  
分。一委領軍。道成讓袁粲。粲不敢當。王敬則拔刀跳躍  
曰。天下事皆應關蕭公。敢有開一言者。血染敬則刃。仍

手取白紗帽。加道成首。令卽位。曰。事須及熱。道成正色。

呵之。褚淵曰。非蕭公無以了此。道成乃下議。迎立安成。

王。劉秉出逢從弟韞。問曰。事當歸兄邪。曰。已讓領軍矣。韞拊膺曰。兄肉中詎有血邪。今年族矣。遂以

太后令數昱之罪惡。追廢爲蒼梧王。儀衛至東府門。安

成王令門者勿開。以待袁司徒。粲至。乃入卽位。年十一。以

道成爲司空錄尚書事。驃騎大將軍。出鎮東府。劉秉爲

尚書令。袁粲鎮石頭。秉始謂尚書政本。以宗室居之。則

置心膂。與奪自專。褚淵素相憑附。秉案閣手仰成矣。粲

性冲靜。每有朝命。常固辭。不得已乃就職。至是。知道成

有不臣之心。陰欲

九月。宋封楊玉夫等爵有差。

冬十月。魏殺其徐州刺史李訢。

先是。訢爲尙書。信用范擿。訢弟瑛諫曰。擿輕德義而重  
勢利。不早絕之。必貽後悔。不從。訢與尙書趙鼎有隙。發  
其罪。鼎坐黜爲門士。鼎恨之。踰年。鼎復入領選。白馮太  
后。稱訢專恣。出爲徐州。擿知太后怨訢。訢告李敷。至是  
事具前。乃告訢謀外叛。太后徵訢問狀。引擿證之。訢曰。汝受我  
恩。何忍誣我。擿曰。擿受公恩。何如公于李敷。公忍之于  
敷。擿何爲不忍于公。訢嘆曰。吾不用瑛言。悔之何及。鼎  
復于中搆成其罪。訢遂見誅。

十一月。宋荆襄都督沈攸之舉兵討蕭道成。

初。沈攸之與蕭道成同直殿省相善。至是以道成名位  
素出已下。一旦專制朝權。心甚不平。其長子元琰自建

康至。攸之謂曰：「吾寧為王陵死，不為賈充生。」會太后賜

攸之燭十挺，割之。得太后手令曰：「國家之事，一以委公。」

于是勒兵移檄。

遣使邀張敬兒及諸州鎮，敬兒斬其使，諸鎮亦懷兩端。

遺書道成。

以為少帝昏狂，宜與諸公密議，共白太后，下令廢之。奈

何？交結左右，親行弑逆，移易朝舊，布置親黨，宮閤管籥，

悉關家人。吾不知子孟、孔明遺訓固如此乎？足下既有

賊宋之心，吾寧敢捐包胥之節？朝廷聞之，恐懼。初，道成

使其世子躋。

即齊武帝。

行郢州事，以備攸之。已徵躋為左衛

將軍。躋乃薦司馬柳世隆。

字彥緒，元景從子。

自代。

躋謂世隆曰：「攸之一口，為

變。焚夏口舟艦，沿流而東，不可制也。若留攻郢

城，未必能猝拔。君為其內，我為其外，必破之矣。」及攸之

起兵，躋行至潯陽，眾欲倍道趨建康。躋曰：「潯陽地居中，

流密邇畿甸。留屯湓口。內藩朝廷。外援夏口。保據形勝。

控制西南。今日會此。天所置也。左中郎將周山圖字季

興人。復力言之。蹟乃奉晉熙王燮鎮湓口。

宋中書監袁粲。尚書令劉秉。謀誅蕭道成。不克而死。

袁粲。劉秉。密謀誅蕭道成。會湘州刺史王蘊。字深王。太后兄子。

以母喪還至東府。欲因道成出弔作難。道成不出。乃更

與粲秉共圖之。將帥黃回。卜伯興。天與之子。等皆與通謀。道

成初聞沈攸之事起。自往詣粲。粲辭不見。道成乃召褚

淵與之連席。每事必引淵共之。淵故憾粲。初。淵遭憂去職。朝廷敦迫

不起。粲往譬說。淵乃從。及粲遭憂。淵乃謂道成曰。西夏

事必無成。公當先備其內耳。時劉秉從弟韞為領軍。入

淵素曜附道成且與粲有隙石頭之謀豈可使之與問粲乃欲引爲已用實是失策

直門下省卜伯興爲直閣黃同等諸將皆出屯新亭粲謀矯太后令使韞伯興帥宿衛兵攻道成于朝堂同等帥所領爲應劉秉等共赴石頭謀既定將以告淵衆謂不可粲曰淵雖與彼善豈得大作同異乃告之淵卽以告道成道成乃遣軍主蘇烈薛淵安都從子等助粲守石頭淵曰不審公能保袁公共爲一家否道成曰所以遣卿正爲能盡臨事之宜使我無西顧之憂耳但努力無多言又以王敬則爲直閣與伯興共總禁兵粲與秉等本期夜發秉恆擾不知所爲晡後卽束裝盡室奔石頭粲驚曰何事遽來今敗矣丹陽丞王遜僧綽之子走告道成道成密遣人告王敬則使殺韞及伯興蘇烈等據倉城拒粲王蘊聞之謂粲已敗卽散走道成遣軍主戴僧靜

永興助烈等攻粲。秉踰城走。粲下城。謂其子最曰。本知一木不能止大厦之崩。但以名義至此。曾靜踰城進。最以身衛粲。僧靜直前斫之。粲謂最曰。我不失忠臣。汝不失孝子。遂父子俱死。百姓哀之。為之謠曰。可憐石頭。秉城寧為袁粲死。不作褚淵生。父子亦為亂兵所害。黃回以事泄。遂不敢發。王蘊逃匿。捕得見殺。黃回後為南兖州刺史。道成慮其終為禍亂。殺之。宋以楊運長為宣城太守。

運長出守宣城。于是太宗嬖臣。無在禁省者矣。運長後為蕭道成所殺。

史臣曰。孝建泰始。主威獨運。而刑政糾雜。理難遍通。耳目所寄。事歸近習。及太宗晚運。慮經盛衰。權倖之徒。罔憚宗戚。欲使幼主孤立。永竊國權。構造同異。興樹禍隙。帝弟宗王。相繼屠戮。寶祚夙傾。實由于此矣。

宋蕭道成假黃鉞出頓新亭。

戊宋昇明二年。午魏太和二年。春正月。宋沈攸之軍潰走死。

攸之至夏口。自恃兵彊。有驕色。以郢城弱小。不足攻。欲以偏師守之。而自帥大眾東下。會柳世隆遣人挑戰。肆罵穢辱之。攸之大怒。遂悉銳攻城。世隆隨宜拒應。屢破之。攸之素失人情。但劫以威力。及城久不拔。逃者稍多。司馬劉瓌兵射書入城請降。世隆納之。瓌兵燒營而去。攸之軍遂大潰。先是。張敬兒既斬攸之使者。卽勒兵偵攸之下。遂襲江陵。殺其子及孫。至是。攸之收散卒將還江陵。聞敬兒已據城。士卒皆散。乃縊而死。張敬兒之襲邊榮爲攸之留府司馬。城潰見執。敬兒曰。邊公何爲同人作賊。榮曰。沈荊州舉義。匡社稷。不可謂賊。身本不求。

生何須見問。敬兒曰：死何難。命斬之。榮歡笑而去。榮客泰山程邕之抱持榮。顧謂敬兒曰：君入八國。不聞仁惠之聲。而先戮義士。三楚之人。寧蹈江漢死耳。豈肯與君同日而生。敬兒曰：求死甚易。乃先殺邕之。而後及榮。軍士皆為垂涕。攸之軍潰時。諸將皆走。功曹臧寅曰：幸其成而棄其敗。吾不忍為也。乃投水死。臧寅字士若。燾之曾孫。

宋蕭道成自為太尉。都督十六州諸軍事。

建康解嚴。蕭道成還鎮東府。加太尉都督南徐等十六

州諸軍事。以其子蹟為江州刺史。嶷

字宣儼。道成第二子。

為中領

軍。褚淵為中書監司空。吏部郎王儉

字仲寶。儉僧綽子。

者好學博

聞。有宰相之志。道成以為長史。待遇隆密。事皆委之。

道成

以大明以來。公私奢侈。奏罷御府。省尚方彫飾器玩。又奏禁民間華偽雜物。凡十七條。

秋九月乙巳朔日食。

宋蕭道成自爲太傅揚州牧加殊禮

道成欲傾宋室夜召長史謝朓

字敬仲莊之子

屏人與語久之

朓無言時二小兒捉燭道成疑朓難之乃取燭遣兒出

朓又無言道成乃呼左右他日王儉知其旨請間說之

儉曰功高不賞古今非一以公今日位地欲終北面可乎道成正色裁之而神彩內和儉因曰儉蒙公殊盼所以吐所難吐何賜拒之深也宋氏失德非公豈復寧濟但人情澆薄不能持久若小復推遷則人望去矣豈惟大業永淪七尺亦不可保道成曰卿言不無理儉又謂公宜禮絕羣后微示變革儉卽倡議加

道成太傅假黃鉞道成所親任遐

字景遠樂安博昌人

曰此大事

應報褚公道成曰褚公不從奈何遐曰彥回惜身保妻

子非有奇才異節遐能制之淵果無違異詔進道成假

黃鉞大都督中外諸軍事太傅領揚州牧劍履上殿八

胡不趨贊拜不名。

冬十二月魏太后殺其青州刺史南郡王李惠。

馮太后忌李惠。

惠為李夫  
人之父。

誣以南叛殺之并其妻子太

后以猜嫌所夷滅者十餘家而惠所歷皆有善政魏人

尤冤惜之。

宋定音樂

尚書王僧虔

僧綽之弟。

奏朝廷以宮縣合和鞀拂。

鞀舞拂舞之曲也。宋

書宋志鞀舞漢代施于宴享舊曲有五篇拂舞節數雖

出自江左舊云吳舞亦陳于殿庭歌詩五篇。

會慮乖雅體又今之清商。

一曰清樂絲竹相和之曲。

實由銅爵。

銅爵臺也。

魏武建臺自作樂府被之管絃置清商令掌之郭茂倩

曰晉室播遷舊樂亡散苻堅滅涼得之傳于後秦宋武

定關中遂

入江南中肅和雅莫近于斯而情變聽移亡者將半。

民間曉迫和聲煩淫無極宜令有司悉加補綴從之。

已未昇明二年齊高帝蕭道成建太元元年春正月宋以謝朓

為侍中

蕭道成引參佐命以為左長史嘗與論

說事晉文王薨死方慟哭石苞自揚

州奔喪勸晉文馬異勸光武即非

知幾也傳世事魏室必將終身北面借使魏行

唐虞故事亦當三讓彌高道成不悅以朓為侍中更以

王儉為吏史

三月癸卯朔日食

宋蕭道成自為相國封齊公加九錫

以十郡爲齊國。官爵禮儀並倣朝廷。

道成初議封梁公員外郎崔祖思啟

曰。讖書云。金刀利刃齊刈之。今宜稱齊。實應天命。從之。

崔祖思字敬元。清河東武城人。

宋蕭道成以王儉爲齊尚書右僕射。

褚淵引何曾自魏司徒爲晉丞相故事。

何曾傳。咸熙初拜司徒。時武帝

方襲王位。以曾爲晉丞相。

求爲齊官。道成不許。以王儉爲齊尚書右

僕射。領吏部。

儉時年二十八。

夏四月。宋蕭道成自進爵爲齊王。遂稱皇帝。

是爲齊太廢祖高帝。

其主準爲汝陰王。徙之丹陽。殺宋奉朝請裴顗。

宋自高祖至順帝。凡

八主。合五十九年。

道成進爵爲王。增封十郡。令宋主下詔禪位。宋主不肯。

臨軒。匿于佛蓋下。王敬則勒兵入迎。太后懼。自率閹人。

索得之敬則啓譬令出宋主收淚謂曰欲見殺乎敬則

曰遷居別宮耳官先取司馬家亦如此宋主泣而彈指

曰願後身世世勿復生天王家宮中皆哭宋主又拍敬

則手曰必無過慮當餉輔國敬則爲輔國將軍十萬錢是日百

僚陪位侍中謝朏在直當解璽綬陽爲不知曰有何公

事傳詔中書舍人屬宣傳詔旨云解璽綬授齊王朏曰齊目應有

侍中乃引枕卧傳詔懼使朏稱疾朏曰我無疾何所道

遂朝服步出乃以王儉爲侍中解璽綬禮畢宋主出就

東邸光祿大夫王琨在晉世已爲郎中至是攀車慟哭

乃復頻見此事鳴咽不自勝司空褚淵等奉璽綬詣齊

宮齊王卽皇帝位大赦改元奉宋主爲汝陰王築丹陽

王琨不能引義完名以致  
頻見篡逆貪生無耻豈得  
托年壽解嘲雖復鳴咽歎  
欲誰其貸之

宮置兵守衛之。奉朝請河東裴顗上表數齊主過惡。掛冠徑去。齊主怒殺之。太子蹟請殺謝朓。齊主曰。殺之遂成其名。正應容之度外耳。久之因事廢于家。

齊以褚淵爲司徒。辭不受。

淵從父弟炤。字彥宣。素非淵所爲。淵詣齊宮勸進時。炤謂

淵子賁。字蔚先。曰。不知汝家司空將一家物與一家。亦復

何謂。及淵拜司徒。賀者滿座。炤歎曰。彥回少立名行。何意披猖至此。門戶不幸。遂有今日之拜。使彥回作中書郎而死。不當爲一名士邪。名德不昌。乃復有期頤之壽。淵固辭不受。

齊主令羣臣言事。

齊宋及齊並以篡奪相尋  
如出一轍所謂天道好還  
也宋之亡固反經齊之得  
豈合道此不過一時飾偽  
求名之談俱可笑

齊主問為政于參軍劉璠。字子珪。沛國相人。對曰：政在孝經。凡

宋氏所以亡，陛下所以得者，皆是也。陛下若戒前車之

失，加以寬厚，雖危可安。循其覆轍，雖安必危矣。齊主歎

曰：儒者之言，可寶萬世。于是復命羣臣各言得失。淮南宣城

太守劉善明請除宋大明泰始以來苛政，以崇簡易，給事黃門郎崔祖思言：人不學，不知道，此悖逆禍亂所由

生。宜開文武二學，令限外官各從所樂，依方習業。會稽太守聞喜公子良以臺使所在，競作威福，公私勞擾，宜

悉停止。員外散騎郎劉思效言：宋自大明以來，漸見凋弊，徵賦有加，乃至山澤之民不敢采食水草，宜一新王

度，革正其失。劉善明懷珍族弟聞喜公子良，字雲英，太子蹟第二子。齊主皆加褒賞，或

付有司詳擇所宜，奏行之。

魏罷候官。太祖置。事具前。

魏詔候官千數重罪受賄不列，輕罪吹毛發舉，宜悉罷。

之更置謹直數百人使防邏街術。禁喧鬪者而已。自此吏民始安其業。

齊褚淵王儉等進爵有差。

賞佐命之功也。處士何點

字子皙尚之之孫

戲謂人曰。我作齊

書已竟。其贊曰。淵既世族。儉亦國華。不賴舅氏。遑恤國家。淵儉母皆宋公主。故點云然。

五月。齊主蕭道成弑汝陰王。滅其族。

或走馬過汝陰王之門。衛士恐有爲亂者。奔入殺王。以疾聞。齊主賞之。遂殺宋宗室無少長皆死。劉澄之遵考之子與褚淵善。淵爲之固請。故遵考之族得免。

齊立世子蹟爲太子。諸子皆封王。

冬十月。魏遣梁郡王嘉。

太武帝之孫。

奉丹陽王劉昶伐齊。

先是。齊主謂垣崇祖曰。我新得天下。索虜必以納劉昶爲辭。侵犯邊鄙。壽陽當敵衝。非卿無以制。乃以崇祖爲豫州刺史。至是。魏遣梁郡王嘉。督兵奉昶伐齊。許昶以克復舊業。世胙江南。稱藩于魏。已而魏師攻齊壽陽。不克。魏步騎號二十萬。攻壽陽。垣崇祖于壽陽城西北堰肥水。堰北築小城。周爲深塹。使數千人守之。曰。虜見城小。以爲一舉可得。必悉力攻之。以謀破堰。吾縱水衝之。皆爲流屍矣。魏人果攻小城。崇祖著白紗帽。乘肩輿上城。決水下堰。堰潰。魏人果攻小城。崇祖著白紗帽。乘肩輿馬溺死千數。遂退。

又攻朐山。齊擊敗之。

魏使高允議定律令。

允先以老疾告歸。尋以安車徵至平城。拜中書監。詔乘車入殿。朝賀不拜。復命允議定律令。允時年九十餘。而



宋自孝建以來。政綱弛紊。簿籍訛謬。至是。詔黃門郎虞

玩之。字茂瑤。餘姚人。等。更加檢定。玩之上表。以爲元嘉中。故光

祿大夫傅隆。字伯祚。亮族兄。年出七十。猶手自書籍。躬加隱校。

隱。審校。覈也。今欲求治取正。必在勤民令長。愚謂宜以元嘉

二十七年籍爲正。更立明科。一聽首式又悔。迷而不返。

依制必戮。若有虛昧。州縣同科。從之。

齊以蕭鸞。卽明帝。爲郢州刺史。

西昌侯鸞。齊主兄道生。字孝伯。之次子也。早孤。齊主養之。

恩過諸子。

秋九月。甲午朔。日食。

冬十月。齊以何戢。字惠景。偃之子。爲吏部尚書。





至山。下有鄧至城。元和志鄧國于宕昌。注見前。之南。

秋七月己未朔日食。

齊遣使如魏。

齊使參軍車僧朗于魏。魏主問曰。齊輔宋日淺。何故遽

登大位。對曰。虞夏登庸。身陟元后。魏晉匡輔。貽厥子孫。

時宜不同耳。先是。宋遣使如魏。因齊受禪。遂留。至是。魏

席。宋使遂與忿詈。劉昶陰使人刺殺僧朗。魏人厚送其喪。并歸宋使。

九月。魏以薛虎子代人。為徐州刺史。

淮北四州民不樂屬魏。常思歸江南。齊主多遣間諜誘

之。于是徐兗之民所在蠶起。聚保五固。城名。在兗州府滕縣。薛河南。今

謂之。推司馬朗之為主。魏遣尉元。薛虎子討之。遂克五

固斬朗之

朗之等先請援于齊。齊主遣李安民以兵迎之。安民赴救遲留。五固遂陷。東南諸

州悉平。尉元徵還。虎子為徐州刺史。虎子表請屯田。

表曰。

國家欲取江東。必先須積穀彭城。今在鎮之兵。不減數萬。資糧之絹。人十二疋。用度無準。公私捐費。今徐州良田十餘萬頃。水陸肥沃。清汴通流。足以灌溉。若以兵絹市牛。可得萬頭。興置屯田。一歲之中。具給官食。且耕且守。不妨捍邊。一年之收。過于十倍之絹。暫時之耕。足充數載之食。五稔之後。穀帛俱溢。非直戍卒豐飽。亦有吞敵之勢矣。魏主從之。虎子為政有惠愛。兵民懷之。會沛郡下邳太守以贓污為虎子所案。告虎子與江南通。魏主曰。虎子必不然。推案果虛。二人皆賜死。

壬齊建元四年。春正月。齊以張緒字思曼。岱兄子。為國子祭酒。首武帝置後因之。

置學生二百人。

貧絀之賦為大地所不容  
即能恭儉所謂小善不掩  
大罪而乃肆言夸誕益足  
鄙矣

齊主道成殂太子疇立是為武帝

齊主有疾召褚淵王儉受遺詔輔太子遂殂諡曰高皇帝廟號太

祖葬武陵太子即位太祖深沉有大量性清儉即位後

日留此正長病源命碎之嘗言使我治天下十年當

夏六月齊主立子長懋字雲喬為太子

秋齊南康公褚淵死

初齊主在東宮嘗宴朝臣右衛率沈文季與淵語相失

文季怒曰淵自謂忠臣不知死之日何以見宋明帝淵入

朝以腰扇障日征虜功曹劉祥曰作如此舉止羞面見

人扇障何益淵曰寒士不遜祥曰不能殺袁劉安得免

仕以爵讓其弟綦字茂緒屏居墓下終身

魏書卷之二十一

魏以李崇字繼長。文成元皇后兄子。為荊州魏置荊州于上洛。領上洛。上庸等郡。刺史。

魏以荊州巴氏擾亂。以李崇為刺史。發兵送之。崇曰。邊

人失和。本怨刺史。今奉詔代之。自然安靖。但須一詔而

已。不煩發兵自防。使之懷懼也。遂輕將數十騎。馳至上

洛。宣詔慰諭。民夷帖然。崇命邊戍掠得齊人者悉還之。

由是齊人亦還其生口。二境交和。無復烽燧之警。崇後

州刺史。兖土舊多劫盜。崇命村置一樓。樓皆懸鼓。盜發之處。亂擊之。旁村始聞者。以一擊為節。次二次三。俄頃

之間。聲布百里。皆發人守險。由是盜無不獲。其後諸州皆效之。

冬十一月。魏主始親祀七廟。

命有司具儀法。依古制。備牲牢。器服及樂章。自是四時

常祀皆親之。

親良之官果入與地習增  
秋賜金未嘗收久任之  
效荀其會詐闢章正當易  
之以救百姓一以三年小  
滿爲限非膠柱而何

癸齊世祖武帝蹟永明  
亥元年。魏太和七年。春。齊復郡縣官田秩。遷代以小滿  
爲限。

詔以邊境寧晏。治民之官。普復田秩。

宋元嘉末。以軍興。郡縣丞尉並斷俸。

祿。至是復之。

先是宋以治民之官。六年過久。乃以三年爲斷。

謂之小滿。遷秩去來。又不能依三年之制。至是。乃詔自  
今一以小滿爲限。

夏四月。齊殺其尙書垣崇祖。散騎常侍荀伯玉。

齊主之爲太子也。自以年長。與太祖同創大業。朝事率  
皆專斷。所信任左右張景真。驕侈僭擬。內外莫敢言。司  
空諮議荀伯玉。素爲太祖所親厚。密以啓聞。太祖怒。命  
檢校東宮宣敕詰責。收景真殺之。齊主憂懼稱疾。月餘。

太祖怒不解。王敬則叩頭啓曰。官有天下日淺。太子無事被責。人情恐懼。願官往東宮解之。因宣旨裝束。太祖不得已至東宮。召諸王宴。盡醉乃還。伯玉由是愈見親信。而齊主深怨之。豫州刺史垣崇祖亦不親附太子。其破魏兵還。太祖召與密謀。齊主疑之。及卽位。遷崇祖五兵尙書。伯玉散騎常侍。加意撫慰。至是。誣崇祖招結江北荒人。猶言荒野之人。南朝以楚人為僇荒。河北為荒中。欲與伯玉作亂。皆收殺之。

五月。齊殺其車騎將軍張敬兒。

垣崇祖死。敬兒內自疑。會有人告敬兒貨易蠻中。齊主

疑其有異志。時華林園設齋。南史作八關齋。受釋氏戒也。朝臣皆預。

于坐收敬兒。敬兒脫冠貂投地曰：「此物誤我。」遂殺之。敬兒

好信夢。初爲南陽守。妻向氏夢一手執爲開府。夢半身熱。敬兒意欲無厭。謂所親曰：「吾妻復夢舉體熱矣。」齊主聞而惡之。故見誅。敬兒女爲征北諮議。謝超宗子婦。超宗謂丹陽尹李安民曰：「往年殺韓信。今年殺彭越。」尹將何計。安民具啟之。齊主素惡超宗輕慢。收付廷尉。賜死。超宗靈運之孫也。

秋七月。齊以王僧虔爲特進光祿大夫。

初。齊主以侍中王僧虔爲光祿大夫。開府儀同三司。僧虔固辭開府。謂兄子儉曰：「汝行登三事。我若受此。是一

門二台司也。吾實懼焉。」累年不拜。至是。齊主許之。加特

進。

初。弘與兄弟集會。任子孫戲適。僧達跳下地作虎子。僧綽正坐。采蠟燭珠爲鳳凰。僧達奪取打壤。亦復不

惜。僧虔累十二博棊。旣不墜落。亦不重作。弘嘆曰：「僧達俊爽。當不減人。」然恐終危吾家。僧綽當以名義見美。僧虔必爲長者。位至三公。已而皆如其言。」

冬十月。熒惑逆行入太微。

齊有司請禳之。齊主曰。應天以實。不以文。我克已求治。思隆惠政。災若在我。禳之奚益。

十二月乙巳朔。日食。

甲齊永明二年。子魏太和八年。春正月。齊以竟陵王子良為司徒。

子良少有清尚。傾意賓客。居雞籠山。開西邸。聚古人器

服以充之。范雲。字彥龍。南鄉舞陰人。蕭琛。字彥瑜。惠鄉舞陰人。任昉。字彥昇。遐兄遙。

之王融。字元長。僧達孫。蕭衍。字叔達。齊太祖族子。胡三省曰。蕭衍事始此。謝朓。字元暉。述

孫。沈約。字休文。璞之子。陸倕。字佐公。吳郡吳人。並以文學見親。號曰八

友。柳惔。字文暢。世隆子。王僧孺。字僧孺。雅曾孫。江革。字休映。濟陽考城人。范縝。字

真雲。孔休源。字慶緒。會稽山陰人。亦預焉。子良篤好釋氏。召致名



顯人。

臨海人。

等爲之。權傾朝廷。餉遺歲數百萬。法亮語人曰。

何須求外祿。此一戶中。年辦百萬。後天文有變。王儉極言。文顯等專權徇私所致。齊主不能改。

秋。魏始班祿。

魏舊制。戶調帛二疋。絮二觔。絲一觔。穀二十斛。又入帛

一疋二丈。委之州庫。以供調外之費。所謂各隨土所出。

至是始班俸祿。戶增調帛三疋。穀二斛九斗。以給之。調

外亦增二疋。舊律。枉法十疋。義賊

謂私情餉遺。雖非乞取。亦計所受論賊。

二十疋。罪死。至是祿行之後。義賊一疋。枉法無多少。皆

死。秦益州刺史李洪之

本名文通。恒農人。

以外戚貴。顯首以賊

收。賜死。餘守宰死者四十餘人。受祿者無不跼蹐。賂賂



曰。宋氏若非骨肉相殘。他族豈得乘其弊。汝深誠之。舊

制。諸王在都。惟得置捉刀。執刀以衛左右者。四十人。晃自南徐

州刺史罷還。私載數百人仗。齊主怒。將糾以法。豫章王

疑叩頭流涕曰。晃罪誠不足宥。陛下當憶先朝。齊主垂

泣而罷。然終不被親寵。武陵王宣昭嘗侍宴醉伏地。貂抄肉拌。齊主笑曰。肉汀貂對曰。

陛下愛羽毛而疎骨肉。齊主不悅。

十一月。齊以始興王鑑。字宣微。高帝第十子。為益州刺史。

益州大度獠。大度。即今大渡河也。古曰濊水。出四川茂州徼外。逕雅州。寧遠至嘉定府人江。獠竹

絞反。西南夷別種。恃險驕恣。刺史陳顯達遣使責其租賦。吐濫反。夷人以財贖罪曰賧。

獠殺其使。顯達夜襲斬之。益州自晉氏以來。

俱用名將為刺史。至是齊主以鑑為之。徵顯達為中護

軍時劫帥

夷帥也。

韓武方聚黨為暴。郡縣不能禁。鑑至。武

方出降。長史請殺之。鑑曰。殺之無以勸善。乃啓請宥之。

于是蠻夷為寇者。望風降附。鑑在州。喜文學。器服如素

士。蜀人悅之。

鑑之至蜀也。或云顯達不肯就徵。鑑曰。顯達立節本朝。必自無此。居二日。顯達移家

出城矣。顯達以門寒位重。每遷官。常有愧懼之色。戒其子勿以富貴凌人。而諸子多事豪侈。顯達曰。產尾蠅拂。

王謝家物。汝不須捉此。取而燒之。

乙丑齊永明三年。春正月。魏禁讖緯巫卜。

詔曰。圖讖之興。出于三季。既非經國之典。徒為妖邪所

憑。今皆焚之。留者以大辟論。又嚴禁諸巫覡及委巷卜

筮。非經典所載者。

齊復立國學。

先是齊以國恤罷國子學。

在建元四年。

至是復立之。釋奠先

師用上公禮。

三月魏主封諸弟爲王。

太后置學館。選師傅以教諸王。始平王勰

字彥和。

最賢。敏

而好學。魏主尤愛之。後徙封爲彭城王。

夏五月齊以王儉領國子祭酒。

初宋太宗置總明觀以集學士。齊主以國學旣立。乃省

之時。王儉領國子祭酒。詔于儉宅開學士館。以總明四

部書

儒道文史之書。分爲甲乙丙丁四部。

克之。儉少好禮學及春秋。言論

造次必于儒者。撰次朝儀國典。晉宋故事。無不諳憶。當

朝理事。斷決如流。發言下筆。皆有音彩。十一日還學。監

謝安矯情鎮物已無實際  
散髮斜簪持較圍棋折股  
又一蠲不如一蠲已

試諸生中卷巨員反。在庭。劔衛令史。儀容甚盛。作解散  
髻斜插簪。朝野多慕效之。儉曰。江左風流宰相。惟有謝  
安。意以自比。

秋七月。魏以梁彌承為宕昌王。

初宕昌王梁彌機死。子彌博立。為吐谷渾所逼。奔仇池。

魏仇池將穆亮代人。罷之弟。以彌承為眾所附。擊走吐谷渾。

立之而還。後齊亦以彌承為河涼二州刺史。

冬十月。魏詔均田。

初魏民多蔭附。附于豪強之家。以求蔭庇。蔭附者無官役。而豪強徵

斂倍于公賦。給事中李安世趙郡平棘人。孝伯兄子。上言。歲饑民

流。田業多為豪右所占。雖桑井難復。宜更均量。使力業

奪彼與此。既啟爭端。受田  
還官。徒滋擾累。因時立制  
井田且不可復。況均田哉







已復給尚書五等爵以上朱衣玉佩大小組綬。

秋九月魏作明堂辟雍。

改中書學爲國子學。

魏分置州郡。

凡三十八州二十五州在河南十三州在河北。



御批歷代通鑑輯覽卷之四十

南北朝

丁齊永明五年。魏春正月。魏定樂章。

初。魏主詔有司議定雅樂。當時無有知者。至是始集新舊樂章。非雅者除之。後復簡制樂官。命中書監高間參

定。在太和十六年。

魏光祿大夫咸陽公高允卒。諡曰文。

允歷事五帝。太武。景穆。文成。獻文。及高祖。出入三省。尚書。中書。秘書。五十餘

年。未嘗有譴。魏主甚重之。允仁恕簡靜。雖處貴重。情同寒素。執書吟覽。晝夜不去手。誨人以善。恂恂不倦。篤親念故。無所遺棄。顯祖徙青徐望族于代。多允婚媾。流離





八月柔然侵魏。魏人擊敗之。高車阿伏至羅。自立為王。

柔然伏古敦可汗殘暴。部眾離心。八月寇魏邊。魏以尚

書陸叡代人麗子為都督。擊破之。初高車阿伏至羅有部落

十餘萬。役屬柔然。伏古敦之侵魏也。阿伏至羅諫不聽。

怒與從弟窮奇帥部落西走。自立為王。二人甚親睦。分

部而立。伏古敦擊之。屢為所敗。乃引眾東徙。

冬十二月魏以高祐字子集允從祖弟為西兖州此魏天興初所置兖州也。治滑

臺城。皇興中得宋兖州。故于此稱西。太和十八年改為東郡。屬司州。至後孝昌中別置西兖州。治定陶。地形志所載甚明。實實不詳。目中出鎮滑臺之文。而以定陶之西充釋此誤矣。刺史。

魏主問祐曰。何以止盜。曰。昔宋均立德。猛虎渡河。卓茂

行化。蝗不入境。事俱見前。況盜賊人也。苟守宰得人。治化有

古之弭盜者。若龔遂之守渤海。虞詡之宰朝歌。皆有實政。可紀。虎渡蝗避。即非



之而止

魏主詔羣臣言事

秘書丞李彪

字道固頓邱衛國人

上封事陳安民之術

略曰豪貴

過度第宅車服宜爲等制又國之興亡在家嗣之得失  
宜準古立師傅以訓導太子又漢置常平倉以救匱乏  
去歲京師不稔移民就豐既廢營生且損國體宜豫儲  
倉粟安而給之請析州郡常調九分之二京師度支歲  
用之餘各立官司年豐糴粟積之于倉儉則加私之二  
糴之于人年登則常積歲凶則直給數年之中穀積而  
人足矣又請于河表七州之人擢其門才引令赴闕隨  
能序之以廣聖朝均新舊之義以懷江漢歸有道之情  
又父兄有犯子弟當素服肉袒詣闕請罪子弟有坐父  
兄露板引咎乞解所司足以敦厲凡薄又朝臣遭親喪  
者假滿赴職衣錦乘軒鳴玉垂綬傷人子之道虧天地  
之經愚謂凡遭大父母父母喪者皆令終服或起令視  
事但綜司出納敷奏國慶一令無頂河  
表大河之外七州荆交豫洛青徐齊也  
由是公私豐贍水旱有備

魏主悉從之

已齊永明七年。魏太和十三年。夏五月。齊中書監南昌公王儉卒。

儉卒。禮官欲諡為文獻。吏部尚書王晏素與儉不平。啓

齊主曰。此諡朱氏以來。不加異姓。出謂人曰。平頭憲事

已行矣。乃諡文憲。儉嘗薦御史中丞徐孝嗣。字始昌。湛之孫。

自代。至是。徵為五兵尚書。通考。魏置五兵尚書。五兵。謂中兵。外兵。騎兵。別兵。都兵也。

晉以後皆有之。

秋八月。魏遣使如齊。冬十二月。齊遣使如魏。

魏久與齊絕。魏主欲遣使。令羣臣議。尚書游明根曰。朝

廷不遣使者。又築醴陽。其直在彼。今復遣使。不亦可乎。

由是通好。明年。齊人歸魏隔城之俘。

齊以張緒領揚州中正。江斡。字叔文。湛之曾孫。為都官尚書。宋置。領都



犒之。私作錦袍絳襖。欲以餉蠻。交易器仗。長史劉寅等密聞。子響執寅等殺之。齊主欲遣戴僧靜討之。僧靜曰。巴東王年少。長史執之太急。忿不思難。故耳。天子兒過。誤殺人。有何大罪。忽遣軍西上。人情惶懼。齊主心善之。乃別遣衛尉胡諧之。豫章南昌人。將軍尹略。中書舍人茹法亮。詣江陵。勅之曰。子響若束手來歸。可全其命。諧之至。築城燕尾洲。在今荊州府江陵縣西南。子響白服登城。遣使云。天下豈有兒反。今便單舸還闕。受殺人之罪。何築城見捉耶。尹略獨答曰。誰將引也。汝反。父人共語。子響流涕。乃殺牛具酒饌。餉臺軍。略棄之江流。子響呼法亮求見。傳詔。法亮執其使。子響怒。遣兵西渡。與臺軍戰。臺軍敗。略死。



曰他日必葬我于此。乃營壽陵。作永固石室。及是。太后  
別遂葬方山。不從金陵之兆。方山在大同府大同縣  
北。永固陵在其上。太尉丕等請抑至情。奉行舊典。魏主曰。祖宗  
情專武略。未修文教。朕仰稟聖訓。庶習古道。論時比事。  
與先世不同。又問游明根等曰。聖人制卒哭之禮。授服  
之變。皆奪情以漸。今旬日之間。言及卽吉。得無傷于禮  
乎。對曰。踰月而葬。葬而卽吉。此金冊遺旨。以太后遺旨  
書之金冊也。魏主曰。金冊之旨。羣公之請。慮廢政事。朕今不敢闇默  
不言。以荒庶政。惟縗麻廢吉禮。朔望盡哀誠。故專欲行  
之。秘書丞李彪曰。漢明德馬后。保養章帝。后崩。葬不淹  
旬。尋已從吉。章帝不受譏。明德不損名。願陛下察之。魏  
主曰。朕眷戀衰經。實情所不忍。豈徒苟免嗤嫌。且公卿

每稱四海晏安。禮樂日新。可以參美唐虞。今乃苦奪朕志。使不踰魏晉。何耶。又曰。古王者亦有除哀而諒闇。終喪者。若不許朕衰服。則當除衰拱默。委政冢宰。一事惟公卿所擇。明根曰。淵默不言。大政將曠。仰順聖心。請從衰服。魏主曰。朕在不言之地。不應如此喋喋。但公卿欲奪朕情。遂成往復。追用悲絕。遂號慟而入。羣臣亦哭而出。初。太后忌魏主英敏。恐不利于已。盛寒閉于空室。絕食三日。欲廢之。魏主無憾意。又有宦者詣于太后。太后杖之。及太后死。魏主亦不復問。

冬十月。齊議鑄錢。不果行。

初。齊太祖以南方錢少。更欲鑄錢。建元末。奉勅請孔顗上言。略曰。鑄錢之弊。在輕重屢變。重鈔患難用。而難用爲累。輕鈔弊盜鑄。而盜鑄爲禍。深民所以盜鑄。











後漢建初時言事者以大旱為不封外戚之故同一支離無據

明刑正以彌教然律則視乎其人聖門以折獄許仲氏惟忠信明決為本初非謂其素能讀律也國子議置律助教是即以吏為師安得不淪胥吏之手哉

孝悌之至無所不通。今飄風旱氣皆誠慕未濃。幽顯無感也。所言過哀之咎。諒為未衷。十一月禪祭。始服袞冕。易黑介幘。素紗深衣。拜陵而還。冬至祀圜丘。遂祀明堂。臨太華殿。服通天冠。絳紗袍。以饗羣臣。樂懸而不作。服袞冕。辭太和廟。帥百官奉神主遷于新廟。齊律書成。

齊主留心法令。詔獄官詳正舊注。晉張斐杜預所注律也。宋泰始以來用之。律文簡約。或一章之中。兩家所處。生殺頓異。臨時吏得為姦。詔公卿參議。竟陵王子

良總其事。眾不能一者。制旨平決。是歲書成。廷尉孔稚珪表言律

文雖定。苟用失其平。則冤魂猶結。古之名流。多有法學。今之士子。莫肯為業。縱有習者。世議所輕。將恐此書永淪胥吏之手矣。今若置律助教。國子有欲讀者。策試擢用。庶幾士流勸慕。詔從之。事竟不行。孔稚珪字德璋

山陰人。







八月。魏主養老于明堂。

以尉元爲三老。游明根爲五更。魏主再拜三老。親袒割牲。執爵而饋。肅拜五更。且乞言焉。元明根勸以孝友化民。又養國老庶老于階下。祿三老以上公。五更以元卿。

齊詔太子家令沈約

字休文。吳興人。撰宋書。

約撰宋書。疑立袁粲傳。齊主曰。袁粲自是宋室忠臣。約又多載宋世祖太宗諸鄙瀆事。齊主曰。孝武事迹。不容頓爾。我昔經事明帝。卿可思諱惡之義。于是多所刪除。

癸齊永明十一年。春正月。齊太子長懋卒。

齊主晚年好遊宴。尚書曹事分送太子省之。由是威加內外。太子性奢靡。治堂殿園囿。過于上宮。而莫敢以聞。



夏四月齊主立其孫昭業字元尚為太孫

東宮文武悉起為太孫官屬

秋七月魏立子恂為太子

初恂始生文明太后以恂當為太子乃賜其母林氏平原人死自撫養之及長太后親為立名字字元道至是魏主以為太子

魏詔大舉伐齊

魏主以平城地寒六月雨雪風沙常起將遷都洛陽恐羣臣不從乃議大舉伐齊欲以脇眾命太常卿王謏筮之遇革魏主曰湯武革命順乎天而應乎人吉孰大焉任城王澄字道鎮景穆帝孫曰陛下奕葉重光帝有中土今出

師而得革命之象。未爲全吉也。魏主厲聲曰。社稷我之  
社稷。任城欲沮衆邪。澄曰。社稷雖爲陛下之有。臣爲社  
稷之臣。安可知危而不言邪。魏主還宮。召澄。屏人謂曰。  
今日之舉。誠爲不易。但國家興自朔土。徙居乎城。乃用  
武之地。非可文治。移風易俗。其道誠難。朕欲因此遷宅  
中原。卿以爲何如。澄曰。陛下欲卜宅中土。以經畧四海。  
此周漢之所以興隆也。魏主曰。北人習常戀故。必將驚  
擾。奈何。澄曰。非常之事。故非常人之所及。陛下斷自聖  
心。彼亦何所能爲。魏主曰。任城吾之子房也。于是戒嚴。  
發露布。及移書。稱當南伐。

齊主隲殂。太孫昭業立。

是爲廢帝  
鬱林王。

以竟陵王子良爲太傅。



帝言恨之。未能頓遣。及殂。遺詔子良輔政。融以子良兵  
驚知尚書事。內外事無大小。悉與鸞參決。融以子良兵  
禁諸門。鸞聞之。馳至雲龍門。不得進。鸞曰。有敕召我。排  
之而入。奉太孫登殿。命左右扶出子良。融知不遂。釋服  
還省。歎曰。公誤我矣。初。齊主昭業養子子良。妃袁氏慈  
愛甚著。及王融有謀。遂深忌之。以子良居中書省。遣虎  
賁中郎將潘敞領仗防之。既成服。諸王皆出。子良乞停  
至山陵。不許。遂稱遺詔。以鸞為尚書令。子良為太傅。世

祖于武進  
景安陵。

魏主發平城。

魏主發平城南伐。步騎三十餘萬。使太尉丕廣陵王羽  
字叔翻。獻留守。



















三等。其上下二等。仍分爲三六品。以下尙書重問五品以上。親與公卿論之。上上者遷。下下者黜。中者守本任。于是親臨朝堂。黜陟百官。謂諸尙書未能獻可替否。進賢退不肖。錄尙書事。廣陵王羽。無勤恪之聲。有阿黨之迹。而令僕左右丞。不能相導。罷黜削祿有差。任城王澄。以神志驕傲。解少保。尙書于果。栗磾之孫以不勤事削祿。餘皆面數其過而行之。

齊蕭鸞殺鄱陽王鏘

字宣韶。高帝第七子。等。

鸞權勢益重。中外皆知其畜不臣之志。鄱陽王鏘每詣鸞。鸞語及家國。言淚俱發。鏘以此信之。宮臺之內。皆屬意于鏘。制局監謝粲說鏘。及隨王子隆曰。二王但出天









初諸王出鎮皆置典籤主帥一方之事悉以委之。時入奏事刺史姜惡專繫其口莫不折節奉之。于是威行州部大爲姦利及鸞誅諸王皆令典籤殺之無能拒者孔稚珪聞之流涕曰若不立籤帥當不至于此鸞亦深知其弊乃詔自今詔州有事密以奏聞勿遣典籤入都自是典籤之任浸輕矣。

齊蕭鸞廢其主昭文爲海陵王而自立。

是爲明帝。

齊主昭文在位起居飲食皆諮鸞而後行至是鸞以皇太后令廢昭文爲海陵王而自立以王敬則爲大司馬陳顯達爲太尉尚書虞棕稱疾不陪位鸞欲引參佐命使王晏喻之棕曰主上聖明公卿戮力寧假朽老以贊惟新乎不敢聞命因慟哭朝議欲糾之徐孝嗣曰此亦古之遺直乃止。

十一月齊以始安王遙光爲揚州刺史聞喜公遙欣

字重暉遙





魏主以齊主自立。謀大舉伐之。會邊將言齊雍州刺史曹虎遣使請降。魏主欲自將伐齊。引公卿入議。鎮南將軍李冲曰。遷都草創。人思少安。爲內應者。未得審諦。不宜輕動。任城王澄曰。虎無質任。使不再來。詐可知也。今新遷之民。居無一椽。食無甌石。冬月垂盡。東作將起。而驅之擐甲執兵。殆非歌舞之師也。穆亮及諸公卿皆以爲宜行。澄謂亮曰。公輩平居議論。不願南征。何得對上卽爲此語。面背不同。豈大臣之義乎。冲曰。任城可謂忠于社稷。然魏主竟不從。遂發洛陽。詔諸將所獲男女。皆放還南。曹虎果不降。

乙齊建武二年。魏亥太和十九年。

春二月。魏主攻齊鍾離。

春秋國。漢縣。齊北徐州治此。鍾















魏旱。

久旱。魏主不食三日。羣臣請見。魏主遣舍人辭焉。且問來故。王肅對曰。今四郊雨已霑洽。獨京城微少。庶民未乏一餐。而陛下撤膳三日。臣下惶惶。無復情地。魏主使應之曰。朕不食數日。猶無所感。比來中外。皆言四郊有雨。朕疑其欲相寬勉。未必有實。方將遣使視之。果如所言。卽當進膳。如其不然。朕何以生爲。當以身爲萬民塞咎耳。是夕大雨。

八月。魏太子恂有罪。廢爲庶人。

恂不好學。體素肥大。苦河南地熱。常思北歸。殺中庶子高道悅。謀輕騎奔平城。魏主大駭。引羣臣議。遂廢爲庶











學能文。魏主嘗曰。上馬能擊。城下馬作露板。唯傳修期耳。

魏伐氏克武興。以李崇為梁州刺史。

魏氏帥楊靈珍以眾降齊。襲魏武興王楊集始。殺其二

弟。集始窘急。亦降于齊。魏遣李崇為都督討之。崇槎山

分道。出氏不意。表裏襲之。羣氏散歸。靈珍戰敗。遂克武

興。魏主聞之。曰。使朕無西顧之憂者。崇也。以為梁州刺

史。安集其地。靈珍奔還漢中。齊以為武都王。以集始為北秦州刺史。後集始降魏。魏復其爵位。靈

珍為魏所殺。

齊以劉季連字惠續。遵考從父弟子。為益州刺史。

曲江公遙欣好武事。齊主以諸子尚幼。內仗遙欣。外倚

后弟劉暄。彭城人。內弟江祐。字弘業。考城人。齊主母景故皇后。祐之姑也。故曰內弟。故

以始安王遙光爲揚州。遙欣爲荊州。而遙欣在江陵。多招材勇。厚自封殖。齊主惡之。南郡太守劉季連密表遙欣有異迹。齊主乃以季連爲益州刺史。使據遙欣上流以制之。

戊齊永泰元年。魏寅太和二十二年。春正月。魏拔新野。齊沔北守將皆棄城走。

先是。魏主至新野。齊太守劉思忌拒守。攻之不克。築長圍以守之。至是。魏拔新野。縛劉思忌。問之曰。今欲降未。思忌曰。寧爲南鬼。不爲北臣。乃殺之。于是沔北大震。湖陽赭陽戍主及南鄉太守相繼南遁。舞陰戍主黃瑤起。爲魏所獲。魏主以賜王肅。肅齎而食之。

瑤起殺肅。事具前。已



諸子皆盡矣。鉉等已死。乃使公卿奏其罪。請誅之。下詔。

不許。再奏。然後許之。南康侍讀江泌。

字士清。考城人。

哭子琳。淚

盡。繼之以血。親視殯葬。畢乃去。

魏攻齊義陽。齊圍魏渦陽。

魏縣。唐改蒙城。今屬江南潁州府。

以救之。義陽

圍解。齊師亦潰。

魏鎮南將軍王肅攻義陽。齊裴叔業圍渦陽以救之。魏

南兗州刺史孟表守渦陽。糧盡。食草木皮葉。魏主使將

軍傅永等救渦陽。叔業進擊。大破之。斬首萬級。俘三千

餘人。獲器械雜畜財物以千萬計。王肅請更遣軍救渦

陽。魏主曰。少分兵則不足制敵。多分兵則禁旅有闕。卿

審圖之。義陽當止則止。當下則下。若失渦陽。卿之過也。

肅乃解義陽之圍。與統軍楊大眼難當之孫奚康生等救渦陽。叔業見魏兵盛。夜退。明日上衆奔潰。魏人追之。殺傷甚衆。

魏中尉李彪免。僕射李冲卒。

彪家世孤微。初遊代都。以李冲好士。傾心附之。冲亦重其才學。禮遇甚厚。公私汲引。及爲中尉。彈劾不避貴戚。魏主賢之。以比汲黯。彪自以結知人主。不復藉冲。無復宗敬之意。冲浸銜之。及魏主南伐。彪與冲及任城王澄共掌留務。彪數與冲爭辨。形于聲色。事多專恣。冲不勝忿。乃積其前後過惡。上表劾之。請付廷尉。魏主覽表。歎悵久之。曰。道固可謂溢矣。而僕射亦爲滿也。有司處彪



聞之曰。東今有誰。只是欲平我耳。東亦何易可平。吾終不受金。金。謂鳩也。徐州行事謝朓。敬則子壻也。敬則子幼隆。遣人告之。朓執其使以聞。敬則五官掾王公林。敬則族子。勸敬則急送啓。賜兒死。單舟星夜還都。敬則不應。遂舉兵反。以奉南康侯子恪。豫章王疑之子。爲名。子恪亡走。始安王遙光。遂勸齊主盡誅高武子孫。于是悉召入宮。孩幼者與乳母俱入。須三更當盡殺之。子恪徒跣自歸。二更達建陽門。而齊主眠不起。中書舍人沈徽孚與左右單景雋謀。少留其事。須臾。齊主覺。景雋啓子恪已至。齊主驚問曰。未邪。未邪。景雋具對。齊主撫牀曰。敬則帥遙光。幾誤人事。乃賜王侯供饌。明日悉遣還第。敬則帥實甲萬人過浙江。張瓌遣人拒之。聞鼓聲皆散走。瓌逃民間。敬則以舊將舉事。百姓擔簦荷鍤隨之者十餘萬。至武進陵口。齊高武帝陵。俱在武進。慟哭而過。五月。齊主詔前軍

司馬左興盛將軍胡松等築壘于曲阿長岡。敬則急攻之。臺軍不能敵。欲退而圍不開。各死戰。松引騎兵突其後。敬則軍大敗。斬之。是時齊主疾已篤。敬則倉猝東起。朝廷震懼。太子寶卷急裝欲走。敬則聞之喜曰。檀公三十六策。走爲上策。宋人譏檀道濟避魏語。計汝父子。惟有走耳。晉陵民以附敬則應死者甚衆。太守王瞻字思寵。弘從孫。言。愚民易動。不足窮法。許之所全活以萬數。謝朓以功遷吏部郎。三讓不許。朓妻常懷及欲刺朓。朓不敢相見。

秋七月。魏省宮掖費用以給軍賞。

魏彭城王勰表以一歲國秩職俸親恤裨軍國之用。魏主乃詔損皇后私府之半。六宮嬪御五服男女供恤亦











陽王禧字永壽獻文帝子。

魏主追尊其母高氏爲后。

魏主追尊皇妣高氏爲文昭皇后。

后之先本勃海人。後入高麗。后父颺入魏。

爲將軍。生后。

配享高祖。封后兄肇

字首文。

爲平原公。顯爲澄城

公。數日之間富貴赫奕。

秋八月齊主殺其僕射江祐。侍中江祀。始安王遙光起兵東城。右將軍蕭坦之討平之。

齊主自在東宮。嬉戲無度。及卽位。不與朝士相接。專親信宦官。及左右御刀。應敕等。是時揚州刺史始安王遙光。尚書令徐孝嗣。右僕射江祐。右將軍蕭坦之。侍中江祀。衛尉劉暄。更直閣省。分日帖敕。雍州刺史蕭衍聞之。



遣左右刺暄。暄覺之。遂發詬謀。齊主收詬。祀殺之。齊主自是

無所忌憚。益得自恣。日夜與近習于後堂鼓吹戲馬。常

以五更就寢。日晡乃起。臺閣案奏。閱數十日乃報。或不

知所在。五省黃案皆

爲宦者裹魚肉還家。遙光素有異志。與其弟荊州刺史

遙欣密謀舉兵。將發而遙欣卒。江祏又誅遙光懼。陽狂

稱疾。不復入臺。謀舉兵東府。以討劉暄爲名。夜遣數百

人破東治出囚于尙方取仗。向曉有詔召徐孝嗣屯衛

宮城。蕭坦之率臺軍討遙光。至夜城潰。遙光扶匍牀下。

軍人牽出斬之。以孝嗣爲司空。坦之爲僕射。

齊主殺其僕射蕭坦之。領軍劉暄及司空徐孝嗣將軍沈

季

齊主左右捉刀應敕之徒。皆恣橫用事。時人謂之刀敕。





出火光照天。幡戟橫路。士民驚震。啼號塞道。嘗至沈公城。有一婦人臨產。不能去。因剖其腹。視其男女。又好擔幃侍御滿側。逞諸變態。曾無愧色。

魏以郭祚

字季祐。太原晉陽人。為吏部尚書。

祚清謹。重惜官位。每有銓授。雖得其人。必徘徊久之。然後下筆。曰。此人便已貴矣。人以是多怨之。然所用者。無不稱職。

庚齊永元二年。魏世宗辰宣武帝恪景明元年。春正月。齊豫州刺史裴叔業以壽陽叛降于魏。魏遣司徒彭城王勰鎮之。

叔業聞齊主數誅大臣。心不自安。遣人至襄陽問蕭衍曰。天下大勢可知。恐無復自存之理。不若回面向北。不失作河南公。衍報曰。羣小用事。豈能及遠。若意外相逼。

當勒馬步。直出橫江以斷其後。則天下之事一舉可定。  
若欲北向。彼必遣人相代。以河北一州相處。河南公寧  
可復得邪。叔業沉疑未決。乃遣信詣魏豫州刺史薛真  
度。問以入魏可否。真度勸其早降。叔業遂奉表降魏。魏  
以彭城王勰爲司徒領揚州刺史。鎮壽陽。封叔業蘭陵  
郡公。豫州刺史。叔業尋卒。

夏四月。齊遣將軍崔慧景將兵討壽陽。慧景還兵奉江夏  
王寶元逼建康。兵敗皆死。

齊主遣平西將軍崔慧景將水軍討壽陽。自出送之。召  
慧景單騎而進。裁交數言。拜辭而去。旣出喜甚。過廣陵  
數十里。會諸軍主曰。吾荷三帝厚恩。當顧託之重。勿主

昏狂。朝廷壞亂。危而不扶。責在今日。欲與諸君共建大

功。以安社稷。何如。衆皆響應。于是還軍向廣陵。司馬崔

恭祖慧景族人納之。慧景濟江。遣使奉江夏王寶元爲主。寶

元斬其使。而密與相應。分部軍衆。隨慧景向建康。攻竹

里。拔之以竹塘人萬副兒言。分遣千餘人從蔣山龍尾

魚貫而上。自西巖夜下。鼓譟臨城。臺軍驚散。宮門閉。慧

景引衆圍之。時豫州刺史蕭懿將兵在小峴。在和州含山縣北亦

曰昭關山齊主遣密使告之。懿自采石濟江。恭祖勸慧景擊

之。不許。會慧景子覺度南岸戰敗。恭祖詣城降。衆心離

壞。慧景將心腹數人潛去。于道爲人所殺。寶元逃亡。數

日乃出。齊主殺之。崔慧景既平。曲赦其黨。詔書再下。而嬖倖貪虐多所誣陷。是時齊主所寵

左右茹法珍梅蟲兒等並為外監口稱詔敕中書舍人王嘏之專掌文翰與相唇齒齊主呼所幸潘貴妃父寶慶及法珍為阿丈蟲兒及營兵俞靈韻為阿兄數往諸刀敕家遊宴躬自汲水助厨人作膳奄人王寶孫年十三四號張子最有寵參預朝政嘏之蟲兒之徒亦下之控制大臣移易詔敕乃至騎馬入殿詆訶天子公卿見之莫不懾息焉

秋八月齊攻魏壽陽魏人擊敗之遂取淮南地

齊將軍陳伯之

濟陰睢陵人

再攻壽陽魏彭城王勰拒之汝

陰太守傅永將兵來救伯之防淮口甚固永去淮口二

十餘里牽船上汝水南岸直南趣淮夜達壽陽勰遂與

永并勢擊伯之于肥口大破之伯之遁還淮南遂入于

魏

齊後宮火

齊後宮火。時嬖倖之徒。皆號爲鬼。有趙鬼者。能讀西京賦。言于齊主曰。栢梁旣災。建章是營。齊主乃大起芳樂玉壽等殿。以窮塗壁。刻畫裝飾。窮極綺麗。後宮服御。極選珍奇。鑿金爲蓮花以帖地。令潘妃行其上。曰。此步步生蓮花也。

冬十月。齊主殺其尙書令蕭懿。

崔慧景死。懿爲尙書令。弟勰爲衛尉。掌管鑰時。齊主出入無度。或勸懿因其出門。舉兵廢之。懿不聽。嬖臣茹法珍等憚懿。說齊主曰。懿將行隆昌故事。齊主然之。賜懿藥于省中。懿且死。曰。家弟在雍。深爲朝廷憂之。

魏以彭城王勰爲司徒錄尙書事。

魏雅好恬素。不樂勢利。高祖重其事幹。故委以權任。雖有遺詔。復爲魏主所留。固辭不免。常淒然歎息。魏爲人美風儀。好文史。小心謹慎。未嘗有過。雖閒居獨處。亦無情容。愛敬儒雅。傾心禮待。清正儉素。門無私謁。

十一月。齊雍州刺史蕭衍起兵襄陽。行荊州事蕭穎胄亦

以南康王寶融。

明帝第八子。卽和帝。

起兵江陵。

初。齊主疑衍有異志。使直後鄭植往刺之。不果。

植弟紹。爲衍

寧蠻長史。知其謀。白之衍。酒紹叔家。戲植曰。朝廷遣卿見圖。今日開宴。是可與良會也。賓主大笑而散。鄭紹叔。字仲明。及蕭懿死。衍夜召張弘策等入宅定議。明

日。集僚佐謂曰。昏主暴虐。當與卿等共除之。是日。建牙集衆。得甲士萬餘人。馬千餘匹。船三千艘。出檀溪。竹木

裝艦葺之以茅。事皆立辦。諸將爭櫓。呂僧珍出先所具者付之。爭者乃息。是時南康王寶融爲荊州刺史。長史蕭穎胄行府州事。齊主遣輔國將軍劉山陽就穎胄兵襲襄陽。衍知其謀。遣參軍王天虎詣江陵。徧與州府書。聲云山陽西上。并襲雍荆。穎胄得書。疑未決。山陽至巴陵。衍復令天虎齎書與穎胄。及其弟穎達。衍謂張弘策曰。用兵之道。攻心爲上。近遣天虎往。人皆有書。今段乘驛甚急。止有兩函。與行事兄弟。云天虎口具。彼問人問天虎。而無所說。必謂行事與天虎共隱其事。則行事進退無已。而山陽至江安。遲回不上。穎胄計無所出。夜呼參軍席闡文安定臨。柳忱。字文若。世涇人。閉齋定議。闡文曰。蕭雍州蓄養士馬。非復一日。必不可制。就能制之。歲寒復不爲朝廷所容。今若殺山陽。與雍州舉事。立天子以令諸侯。則霸業成矣。山陽旣不信

我今斬送天虎。則彼疑可釋。至而圖之。罔不濟矣。忱曰。朝廷狂悖。口滋雍州之事。且藉以相斃耳。獨不見蕭令君乎。前事之不忘。後事之師也。詰旦。穎胄謂天虎曰。卿穎達亦勸穎胄從闡文等計。詰旦。穎胄謂天虎曰。卿

與劉輔國相識。今不得不借卿頭。乃斬天虎。送山陽。山

陽大喜。單車詣穎胄。伏兵斬之。乃以南康王寶融教纂

嚴以蕭衍都督前鋒。穎胄都督行留諸軍事。十二月。穎

胄及司馬夏侯詳字叔業。譙郡人。移檄建康州郡。數齊主及梅

蟲兒。茹汝珍。罪惡。竟陵太守曹景宗字子震。新野人。遣人說衍

迎寶融正尊號。然後進軍。衍不從。王茂字休遠。太原祁人。謂張

弘策曰。今以南康置人手中。彼挾天子以令諸侯。節下

前進。爲人所使。此豈他日之長計乎。弘策以告衍曰。若

前途大事不捷。故自蘭艾同焚。若其克捷。則威震四海。

誰敢不從。豈碌碌受人處分者邪。初陳顯達崔慧景之亂。上庸太守章叡曰。陳雖舊將。非命世才。崔頗更事。儒而不武。其赤族宜矣。定天下者。殆必在吾州將乎。乃遣二子。自結于蕭衍。及衍起兵。叡帥郡兵二千倍道赴之。馮道根居母喪。亦帥鄉人子弟來赴。韋叡字懷文。京兆杜陵人。馮道根字巨基。廣平鄆人。





